

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut
apeqqutit imaattut saqqummiuppakka:

1. Innarluutillit ulloq unnuarlu angerlarsimaffinni najugallit ilaqtaminnut tikeraassagaangamik ingiorteq (Ledsager) qanoq akissarsiaqartinneqartarpa?
2. Maleruagassat qanoq aqqissuunneqarpat?
3. Akisussaaffimmik taamak annertutigisumik tigusaqarsimatillutik tillæg annertunerusoq pisangilaat?
4. Innarluutillit pillugit inatsisissami angallassinikkut aqqissuusseqqinnissat ilanngunneqarnissaat naatsorsuutigineqarsinnaava?

(Inatsisartuni ilaasortaq, Laura Táunâjik Siumut)

Tunngavilersuut:

Ulloq unnuarlu angerlarsimaffinni innarluutillit najugallit angallanneqaraangamik pinngitsooratik najugarisami sulisuinik ingiorteqarnissaat pisariaqartuaannartoq ilisimavarput. Avaqqunneqarsinnaangilaq sapinngisamik isumannaannerpaamik pitsaanerpaamillu innarluutillip ilaqtaminut apuunneqarnissaa. Tamannalu akisussaaffik annertuvoq pisariaqarlunilu.

Taamaattoq paasisat ilaat imaappoq sumiiffiit ilaanni angallassisoq imaluunniit paarsisoq akissarsiatigut naleqqutinngitsumik akissarsiaqartinneqartarsimavoq. Allaat imminut pilliutiginertut ittutut taaneqarsinnaalluni. Ajoraluartumillu annaasaqaatitut angallassineq kinguneqarsinnaasariaqarluni. Taamak atugassaqaartitsineq suliffimmut imaluunniit angallassisussatut pilerinarsinnaangilaq kajungerineqarsinnaananilu. Taamaattumik aqqissuussineq naleqqunnerusoq atuuttariaqartoq isumaqarpunga.

Angajoqqaajusut imaluunniit ilaqaasut pisariaqartippaat qanimut innarluutilik ikiorniarlugu pitsaanerpaamik atugassaqaartinneqarnissaq. Taamaapporlu angallassisoq imaluunniit paarsisoq naapertuuttumik akissarsiaqartinneqarnissaa.

Kissaatiginaqaaq angallassisarnerup pilerinartuunissaanik Naalackersuisut suliniuteqassasut. Matumani innarluutillip isumannaannerpaamik angallanneqarnissaa kiffartuunneqarnissaalu pillugit.

Apeqquteqaatimma ullut suliffiusut qulit iluanni akineqareersimanissaat kissaatigaara.